



Sakspapir

Sakshandsamar	Arkiv	ArkivsakID
Dagrun Gunnarson	FE-223, FA-C83	20/557

Saksnr	Utval	Type	Dato
	Kommunestyret	PS	
008/21	Formannskapet	PS	09.02.2021

Støtte til lokale parti

Endring i kommunebudsjettet 2021. Revidert budsjett.

Vedlegg:

TILSKOTT TIL POLITISKE PARTI I FEDJE KOMMUNE

Saksutgreiing:

Oppsummering

Støtte til lokale parti har falt ut av budsjetta dei siste åra, også i rådmannen sitt framlegg til budsjett. Om kommunen ønskjer å halde fram ordninga, må det setjast av pengar i kommunebudsjettet 2021.

Bakgrunn

Kommunestyret gjorde i 2006 følgjande vedtak:

08.06.2006 KOMMUNESTYRET

K-031/06 VEDTAK:

Fedje kommune vidarefører ordninga med tilskot til politiske parti/kommunestyregrupper i 2006, etter same reglar som tidlegare (retningsliner P-650). Satsane for 2006 er 3090 kr i grunnbeløp for å ha ei kommunestyregruppe, og 1110 kr pr. representant eit parti har i kommunestyret. Nivået for seinare år vert fastsett gjennom dei årlege budsjettvedtaka. Inndekning av tilskott for 2006 vert handsama i samband med budsjetttrullering i år. Samrøystes vedteke.

Me har akkurat oppdaga at det ved ein feil ikkje er budsjettert til denne støtta i rådmannen sitt framlegg til kommunebudsjett for 2021. Det vart heller ikkje gjort i budsjettet for 2020 eller 2019. Det vart truleg ikkje oppdaga då me lagde budsjett fordi utbetalinga vanlegvis skjer i november/desember, etter budsjettarbeidet.

Støtta vart utbetalt i 2019 og 2020.

Satsane er ikkje endra sidan 2006. Samla utbetaling i 2020 er rekna til å utgjere ca. 25 000 kr.

Me har innhenta nokre opplysningar frå nabokommunar 25.11.20, om dei har liknande ordningar:

- Modalen har tilskot til politiske parti på totalt 10 000.
- Austrheim har ikkje tilskot til politiske parti.
- På heimesidene til kommunane ser det ikkje ut som verken Alver eller Bergen har tilskot til lokale politiske parti.

Vurdering

Partia på Fedje vert rekna som viktige for å kunne vere ei sjølvstendig eining og ha eit fungerande



Fedje kommune

lokaldemokrati. Me er ikkje kjent med kva for anna støtte dei lokale partilaga elles får.

Om kommunestyret ønskjer å halde fram med støtte til lokale politiske parti, må dette inn på budsjettet på 14700.1000.1000 (ansvar rådmann, teneste politisk styring). Rådmannen har ikkje framlegg til inndekning, sidan budsjettframlegget allereie er sendt ut. Ein må finne inndekning, eller så kan ein redusere overskotet tilsvarande. Sidan budsjettet for 2021 allereie er vedteke, er dette noko som ein evt. må ta med i revideringa av budsjettet i første halvår.

Konklusjon

Kommunen må anten sette av pengar i budsjettet til lokal partistøtte, eller gjere nytt vedtak.

Forslag til vedtak:

Fedje kommune held fram med støtte til lokale partilag, slik det vart vedteke i kommunestyrevedtak 031/06. Kr 25 000 vert sett av på 14700.1000.1000 i revidert kommunebudsjett for 2021 til å dekke den årlege partistøtta. Inndekning: Reduksjon av driftsoverskotet.

Formannskapet - 008/21

F - behandling:

F - vedtak:

Fedje kommune held fram med støtte til lokale partilag, slik det vart vedteke i kommunestyrevedtak 031/06. Kr 25 000 vert sett av på 14700.1000.1000 i revidert kommunebudsjett for 2021 til å dekke den årlege partistøtta. Inndekning: Reduksjon av driftsoverskotet.

Samrøystes vedteke.